

**DOMINICI ARUMAEI, ...
DISCURSUUM
ACADEMICORUM AD
AUREAM BULLAM
CAROLI 4...**

Dominicus Arumäus, Justinus
Schelhase, Valenti Gonzaga

V I R O
AMPLISSIMO ET SPECTA-
TISSIMO

DN. PETRO FREYCE,
VEN/llustrissimorum & Celsissimorum
Principum ac Ducum Saxoniae, Juliae, Cli-
viae, & Montium &c. Lineae Altenbur-
gensis Quæstori Eisenbergæ fidelissimo
& meritissimo, Patrono & Promotori
meo omni animi observantiâ æ-
ternum devene-
rando,

Discursus huncce Academicus

In

Debita gratitudinis Symbolum

Dico

&

Dedico

Jo: Sinus Schelhasius
Respondens.

AD PROOEMIUM

THESIS

I.

An Jus Publicum in Academia tractari
debeat? ✱

Sunt, qui id propterea negant 1. quia Jus Publicum per
L. Regiam sublatum est, *Revard. §. varior. 12.* Unde 2.
Privatis privata jura sufficere putant, & ideo 3. de Principi-
pum Juribus disputare non licet *l. 3. C. de Crimin. sacriloga.*
4. quia periculosum est contra illos scribere, qui possunt pro-
scribere, nec tutum disputare, qui possunt amputare, aut et-
iam eos refellere, qui possunt expellere, vel iis aliquid move-
re, qui possunt removere, aut opponere qui possunt deponere.
Verum iis non attentis, affirmamus, nam cum Jus nostrum
aliud Publicum, aliud Privatum sit *l. 1. ff. de iust. & jur. §. fin.*
inst. eod. Illud verò designatur, quod ad statum rei Romanæ
spectat. Hoc verò, quod ad singulorum utilitatem pertinet
d. l. 1. & §. fin. minime Juris Publici cognitio illos, qui se juris
studiosos, quo nomine J Cui modeste honorantur in *l. 1. ff. de
off. ad/ff. profiteri* satagant, effugere debet. *Heig. l. 1. quest. 11.*
n. 1. nam cum publicæ rei directio ipsorum discretionis com-
mitti solet, utique si non quis status ejus sit, quibusve mediis
ad eum deveniret & conservari possit, absque eo in sequirem
despectu valeat, in promptu teneant, ne iugum summæ rei u-
tiliter consulere poterunt; ad illa ait *Livius lib. 1. histor.* quisque
acriter intendat animum, quæ vita, qui mores fuerint, per-
quos viros, quibusve artibus domi militiæque & partum et-
studium Imperium sit, ut mirari non injuriâ liceat, Nostrates
magno molimine, quæ privatorum libertatem suarum directio-
nis potestas sit, explicasse, ne per transennam verò, quæ Impe-
rioris, Electorum, Principumque in Imperio effulgeat sub-
limitas,

limitas aspexisse. Pars laboris non minima habita fuit originem Testamentorum, Emphyteuseos, Stipulationis, Actionum, similibumque inquirere, at neglecta & tenebris obducta Electorum, Principum, aliorumque origo latuit, magnis voluminibus de Jurisdictione Veterum, eversa que Romæ disputatum, præsentis verò Romano-Germanici Imperii ejusdemque statum Jurisdictionem delineare, cura nulla fuit; societates privatorum magnis laboribus explicarunt; sed fœdera, societates, confraternitates Principum, aliorumque statuum neglectæ, quod non quidem materiæ subtilitate aut nostrorum hominum hebetudine, sed juris privati repræmiatione magis obviâ factum opinari licet, quâ cum nostri temporis egregios viros non tangi, sed materiæ ingenti splendore erigi cerneret *Magnificus & Nobilissimus Dn. D. Præses*, eorum imitatione Auream Bullam continuo commentationis filo illustravit & pleraque ex integro commentario in disquisitionis aleam conjecit, deque iis publicitè, ut veritas dictatorum magis magisque effulgeat, alterâ hac vice conferre constituit,

II.

Decetque omnes, quorum campus literarius est seges & materies gloriæ, in revolutionem Bullæ nostræ nobiscum se convertere: nam præterquam quòd firmissima Romano Germanici Imperii petra sit, super qua etiamnum Majestas & Pax ejusdem tutò quiescit, compendiosam quoque Juris Publici inductionem continet, siquidem non solum sublimium Electorum prærogativam & sessionis inculcat ordinem; verum etiam pleraque ad ipsius Imperii statum & tranquillitatem pertinentia insinuat.

III.

Cujus promulgatione Carolus IV. maximam laudem adeptus est, ait *autor append. ad Sext. Aurel. Viell.* ut ejus incultum minime poenitendus Imperio Princeps censeri possit *Fabr. l. 6. Orig. Saxon.* quanquam negari nequeat, ab illo Imperium initum & administratum, ut nullus in rebus boni Principis & pa.

pariter amabili officium in eo desiderari possit. Verum, ut
Taut. l. 4. histori loquitur, Principes boni voto quidem ex-
piciendi, qualescunque tamen tolerandi. Sanè et si in Caro-
lo non injurà multa reprehensionem mereantur: tamen ut
Princeps sermone affabilis, accessu facilis, vultu quo maximè
populos demulcere poterat, amabilis, æquis propensus, ini-
quis acerbus, literarum & literatorum fautor meritò calculum
scribendum tulit. *Bezeant. de Rambold. in suo August.* imò eò
usque in literarum cognitionem devenit, ut primus Cæsarium
nonnulla Evangelia scripto interpretatus sit, *Dubrov. l. bist. Bo-
hem. 22 in princ.* Vir profectò religiosus, inquit Cuspius in-
eius vita, & qui in quinque lingvis erat expeditissimus. Nam
Italicam, Gallicam, Alemannicam, Bohemicam & Latinam
callebat, juris quoque amans fuit, ut testatur *Dubrov. d. l. 22.* &
certissimo argumento est præfens Bulla.

IV.

Cur Aurea Bulla vocatur?

Quia majore Imperatoris sigillo, quod negotiis graviori-
bus appendi solebat, munita fuit, ut enim in quotidianis vel
sigillum vel annulus, ita in gravioribus Bulla adhibita fuit.
Et ut in Pontificum plumbea, sicut videre est ex *lib. 1. sacrar. ce-
ren. Ecclesia Roma c. 2. in fin.* ita Imperatorum concessionibus
& sandissimis gravioris momenti aurea appendi consuevit,
cujus vel aspectus solus immensum quiddam majestatis et
gloriæ contemplantibus ingerit & venerabundos cogit summi
Imperii & veteris Romæ atque aurei seculi meminisse, ut *Frnc.*
Primus de oblata Comitissa sub Aurea Bulla alibi loquitur.
Sanctio itaque ipsa synecdochicè denominatione Aurea Bul-
la ab ejus appenditione appellatur, Carolus Imperator, inquit
Trüb. in Chron. Hirlav. Anno 1356. Bullam dictam Auream,
quia sigillo sit aureo roborata, conferibi fecit, & *Albert. Crantz*
lib. 9. c. 29 in Saxoh. multa, ait, constituens, quæ usque in ho-
die nunc observantur & aureo sigillo desuper literas decer-
nens, appellari jussit constitutionem Imperialem, Bullam Au-
ream. Hinc Bullare nihil aliud est, quam sigillare, *Petrus de*
Vi.

*Vinea Epist. 21. lib. 1. existens ipse, ait, Bullator & scriptor
forsan numerator. Hacque ipsa de causa Dd. Bullati, quod
litteris Bullatis & non Academico examine gradum adepti
sint, appellantur.*

V.

Cujus occasione quaeritur, An Doctores Bullati pri-
vilegiis eorum, qui in Academiis promoti sunt, frui
debeant? Affirmamus, licet magno consensu id Nostri ne-
gative decident, ut apparet ex iis, quos citat *Matth. Coler. p. 2.
c. 3. n. 135. de Process. exsch. Jacob. Benius p. 2. n. 6. de Privilegiis
JCorum. Rutger. Ruland. l. 1. c. 14. n. 8. de Commiss.* quorum ar-
gumenta si excutere libeat, parum negativæ opinioni præsidii
ex iis affulgereprehendemus. Hi non præsumuntur, ait,
*Rutger. d. l. habere talem scientiam, quia non sunt publicè ex-
aminati, requiritur autem examinatio super scientia, argu-
m. l. magistros C. de Profess. & Medic. Menoch. lib. 2. quasi. 126.
n. 18.* Verùm in eo argumento id, quod planè falsum est, as-
sumitur. Constat enim ex literis Comitum non aliter to-
lere à Casarea Majestate Comitibus Palatinis facultatem Do-
ctores renunciandi, quàm prævio examine adjunctis ad mini-
mum duobus vel tribus Doctoribus (dispositio enim *l. 10. C. de
Profess.* ab aula recessit. *Benius p. 1. priv. n. 4.*) concedi, ut
argumenti inversio non spernendum affirmativæ fundamen-
tum præbeat. Si enim is, qui publicè examinatus est, cæte-
ris paribus rectè gradum Doctoris suscipit, & rectè is eo, qui
Bullatus dicitur, ornari poterit, quia utique publicè & in
præsentia aliquot Doctorum eum examinari volumus, nec exa-
mine hoc prætermisso ad eundem aditum ei concedimus. Pro-
greditur *Rutger.* Deindè multa solennia, ait, necessario in a-
ctu Doctoratus requisita, 1. ut finito examine confirmetur.
2. ut pileus capiti imponatur 3. ut in cathedram collocetur.
4. liber clausus & apertus ei porrigatur. 5. annulus digito in-
seratur 6. osculo dimittatur. Verùm nequicquam hoc quo-
que stringit fundamentum, quia Comiti Palatino suum Candi-
datum ad id honoris fastigium educere non aliter quàm serva-

inferendis concedimus. Progreditur *Rutger*. Nec mirantur,
ut, quia & aliis favoribus Doctoribus concessis privantur.
Nam in simili, h. statutum loquatur, ut non nisi Doctores vel
Licentiat in Collegium vel Ordinem Ecclesiasticum vel Civi-
tem cooptentur, qualia multa sunt in Germania & Francia;
hoc casu non admittendos Bullatos certum est. Verum hoc
fieri. si hoc pretextu excludantur, & non juris est, nec spe-
ciandum quid hic vel alibi fiat, sed quid fieri debeat. l. 12. ff. de
off. praesid. Nam si eruditio hunc honorem mereatur, Bulla
seu Universitatis testimonio innixus Doctor veniat; ex jure
eum admittendum esse evincitur rationibus paulo post se-
quentibus. Quo ipso similiter concidunt, quae *Rutger*, addit,
quod scilicet in numerum Camerae Adfessorum non recipian-
tur, de quo tamen nobis nihil constat: nec à collectis immu-
nes sunt juxta *Guidon*, Pap. decis. 388, nec Nobiles reputantur.
Nam ex jure nostro ad eversionem objectorum pro affirmativa
sententia sic argumentamur: quicumque moribus & facundia
excellent, is ex Juliani Imperatoris constitutione ad gradum
Doctoris admittitur l. 7. C. de Profess. & Medic. circa Bullatum
Doctorem, & morum & facundiae excellentiam ponimus, si-
quidem si utroque destitutus titulum obtinuerit, non ex eo
quod Bullatus Doctor, sed mitratus asinus est, rectè privilegiis
Doctorum privabitur. Nam & Nostrorum communi calcu-
lo, si rectè rectèque in Academicis promotum morum & facun-
diae elegantia non commendet, conclusum extat, proprietas
apparere insufficientiam Doctoratus insignibus spoliari
posse arg. l. 1. ibid. Bart. C. de Profess. & Med. Jacob Benius d. tr.
f. 2. in primis. Nec Doctor indoctus stui debet privilegio Do-
ctorum, ait *Petr. Gregori* l. 18. de Repub. c. 9. n. 9. Atqui dixe-
rit, Julianum velle, ut iudicio ordinis promovendus decretum
Curialium mereatur optimorum consensu conspirante, & re-
ctè. Hinc secunda nobis profuit probatio: jubet Imperator,
quia singulis Civitatibus adesse ipse non potest, verba sunt
l. 7. ut quisquis docere vult, iudicio ordinis probatus decre-
tum Curialium mereatur? quapropter ex rationis identitate,
quia Imperator ubique locorum Imperii esse nequit, & pote-
statis

statu plenitudine, quâ ordini Curialium in civitatibus potestatem eligendi Magistros & Doctores dedit, rectè etiam Comitibus Palatinis facultatem hanc conspirante optimorum & Doctorum ad hoc rogatorum consensu largiri potest. Et pro tertia ratione notamus: Si Imperator facultatem Comiti dare potest, utique is eandem rectè exercere poterit, sunt enim hæc consequentia, concedere quod fas, id exercere nefas dici nequit. Atquinemo dixerit Imperatori hanc facultatem Comiti tribuere fas non esse, *Regn. Sixtin. c. 2. n. 23. de Regal.* quod præter quotidianam experientiam probatur scriptis Imperatoris, quibus cavetur instar sacrilegii esse disputare de principali iudicio *l. 3. C. de Crim. sacrileg.* Bullatum autem nostrum, elegit Imperator, etsi non per se, per alium tamen, qui vice ipsius fungitur. Nam cum, ut ait *Seneca de consol.* humeris Principis totus innitatur orbis, unius autem ingenium tantæ molis capax non sit, in vicem curarum alios, qui in quibusdam partitionem earundem cum ipso instituerent, vocari necesse fuit, quod exemplo Academiarum pro Quinto demonstrari potest, quæ quia Princeps omnibus locis adesse nequit *d. l. 7. C. de Profess.* ipsius autoritate Doctores creant: Doctorare, ait, *Petr. Gregor. Tholof. d. l. 18. c. 9. n. 8. de Republ.* aut privilegiare ad Imperatorem origine pertinet & Universitates privilegia tantum ejus autoritate concedunt: pari itaque & similitudine, si autoritatem Comiti Imperator tribuat, is ad instar Universitatis concedentis autoritate Doctores creabit, siquidem in privilegiorum Doctoralium concessione non conferentem sed primum eorundem concedentem, qui Imperator est, respicimus. Progrediamur sexto Comes Palatinus creare potest Poetas, quod Universitas non potest. Et in hoc est augustinior Comitum quorundam potestas, qui si per Imperium, nomen & privilegia eadem cum ipsis, qui à Casare coronantur, habent, nulla ratio est, cur eorundem Doctores ab iis, qui in Academiis renunciati sunt, privilegiorum intuitu separari debeant, quia origo potestatis ab eodem fuit. Quotique septimò vel maximè juris ratione congruit, quæ non curat medium, dùm modò rei effectum habeamus *l. in condition. ff.*

decedit, & demonstr. Decius consil. 227. Medium est scientiæ
probatio, qua scilicet promerum dignè gradum suscepisse
demonstrat. Näm solennia Doctorum & Licentiarum, ait
Casper Boena c. 16. n. 136. de imp. debet. non professione vel eru-
ditione sed pecuniâ quærantur, nemo enim offert pecuniâ,
quo non detur Doctoris titulus. At non omnes eruditionem
habent ad prælegendum publicè: quare rectius dicuntur, qui
Doctrinæ valentis suffulc præsidis docent, quàm qui annulo
regio accepto Doctoralis dignitatis Codicillos offendunt,
& nihil minus sunt Doctores &c. Et idèd si Bullatus servatis
servandis se dignum eo, quem petit honorem, ostenderit, eue
non neminem privilegii, quibus promoti in Academiis, frueretur.
l. 7. C. de Profess. & Medis.

VI.

Quantum causa Imperatorem ad promulgationem
Bullæ impulit?

Eousque ambitio, ai *Dubrav. l. 22. hist. Boemie.* illorum
etiam Principum, qui se Electores vocant, exarserat, ut primum
sibi quisque locum, præcipuamque autoritatem in eligendo
assidendoque vindicaret, nedum ut alius alium in honore defe-
rendo præveniret, undè similitates inter illos & aliquoties co-
des ex domesticorilo dissidio suscitabantur. Tu quidem in-
vides, ait Carolus in præm Christianum Imperium à Deo in-
stituta & individua Trinitatis fide, spe & caritate, virtuti-
bus Theologicis roboratam, cujus fundamentum super Chri-
stianissimo regno feliciter stabilitur, antiquo veneno, quod
velut serpens in palmices Imperiales, & membra ejus propin-
quiora impio scelere vomuisti, ut concussis columnis totum
ædificium ruinæ subjiceres, divisionem inter septem Electores
sacri Imperii, per quos velut septem candelabra lucencia, in u-
nitate Spiritus sepiiformis sacrum illuminari debet Imperium,
multoties posuisti: Et idèd cùm omne regnum inter se divi-
sum, ut in *princ. hujus Bullæ* ait Imperator, desoletur necesse
est: nec insuperabilem Rempubl. arma, non pecunia, sed u-
nus publicus decoris consensus, teste *Jorio*, efficiat: ad unita-
tem

tem inter Electores fovendam & electionem unanimem inducendam, ac detestandæ divisioni, variisque periculis ex ea sequentibus aditum præcludendum, approbante Senatu Principum & aliorum Ordinum ita discrevit, ut nullus de jure suo tanquam imminuto queri potuerit; sed contra potius, ut teniores cum potentioribus se quodammodo æquari gavisi fuerint. Sic item vetera Cæsarum de eligendo Rege Romanorum placita renovavit, ut in hodiernum diem Carolina sanctio de mandandis suffragiis sola apud Principes vigeat, vigeatque. *Tbuan, l. 2. circ. princ. biflor.*

VII.

Potestne Imperator eam, si velit,
abrogare?

Quod quidem dicendum videbatur, cum, quia legum generalium, qualis hæc est, promulgatio ad Imperatorem pertinet. *l. 3. § 1. 8. C. de LL.* cujus verò est promulgare, ejus etiam abrogare. *l. 35. ff. de R. Jur. l. 22. in princ. ff. de Legat. 3.* Unde Moguntinus contra Heinricum Imperatorem, quem meritum investivimus, ait, quare immeritum non devestiamus? Num quod Principum decreto impendere licet, eorundem auctoritate tollere non liceat? *Helmold. in Chron. Schlavor.* idem quia Imperator jura positiva, qualia hæc Bulla continentur, tollere potest. *§. 12. inst. de jur. N. G. & C. c. proposuit ext. de concess. præbend. Clem. 1. in infest. cum glossa de immunit. Eccles. l. 4. cum ibid. notis C. de LL.* cum etiam, quia Carolus IV. non potuit subsequentes Imperatores obligare, propterea quod causam ab eo non trahant, habent enim Imperium per Electionem. *l. 9. ff. locat. c. dicto de præbend. ut in specie arguit Florent. de Venning. inter cons. Claud. Cantuanc. cons. 16. n. 193. Balib. Ajala c. 7. n. 10 l. 1. de vir. & off. bel.* Nec per parem obligare poterit. *l. 4. & 6. ff. de recept. arbit. l. 14. ff. de Jurisd.* nec pactio antecessoris ligatur successor. *Rucher inter cons. Claud. Cantuanc. cons. 14. n. 14.* aded ut nec Electores Imperii futurum Imperatorem in Electione & coronatione adstringere pactionibus onerosis possint. *Florent. de Venning. d. cons. 16. n. 201.* Habet enim duplicem
pote-

potestatem, absolutam & Ordinariam, hujus quidem intuitu
 est sub potestate legis, illius vero non item; nec quoad obler-
 vantiam, nec quoad vinculum in jure positivo. *Eloreni, de Ven-*
en. d. canf. id. n. 250. Nos negamus, si enim ejus est saltem
 abrogare, cujus promulgare: sanè nec Imperator hanc Bul-
 lam abrogare poterit, quia non solo Imperatore auctore, sed
 multis habet, Assidentibus, Principibus, Electoribus Eccle-
 siasticis & Secularibus ac Miorum Principum, Comitum, Ba-
 vonum, Procerum, Nobilium & Civitatum numerosâ prom-
 uavit multitudine, ita ut omnium eorum in destructione, si
 quidem eam abrogari vel in nonnullis immutari velimus, quo-
 tum in promulgatione auctoritas & consensus interveniat,
 necesse sit. Deinde Politicorum communi consensum receptum
 est, fundamentalis Imperii leges nec mutari, nedum abrogari
 sine corruptione status publici posse. *Bodem. de Republ. c. 8.*
Abbr. c. 6. in Polit. Heig. lib. 1. quest. 5. n. 2. Et ideo cùm lex
 nostra Imperii fundamentalis sit, hoc est, talis sub qua Impe-
 rium constitutum est & quâ tanquam fundamento ex consen-
 su communi & approbatione nititur, *Heig. d. q. 5. n. 2. Petr.*
Greg. lib. 7. de Repub. c. 19. num. 17. vers. possumus dicere, & quâ
 salus dignitasque totius Imperii continetur, ut ait *Pruckm. S. so-*
luti possit effect. 3. n. 3. Cujusque auctoritas in dubiis meri-
 to sequenda *Hartm. Maur. de Coron. Caroli V. tit. quo apparatus.*
 & cui Imperare oporteat *Heig. d. q. 5. n. 1.* & quâ qualescun-
 que Romani Imperii reliquit, illique ferrolutei pedes utun-
 que cōsistent & à dissolutione & ruina adhuc conservantur.
Frider. in art. 2. de propr. gubernat. Frider. IV. Consequitur,
 eam voluntate Imperatoris abrogari non posse. Undè tertio
 inter cetera, quod Auream Bullam mutare non velint, ad pro-
 mittere coguntur in capitulatione *Schl. l. 1. & 8. de Stat. relig.*
 Quare denique mutatione vel abrogatione hujus Bullæ de-
 proclivi in antiquam sylvam dissensionum principalium redi-
 teretur. Nam alius si induceretur ordo, periculi res plena erit,
 quia non ignotum quàm Magnates terminos dignitatis anti-
 quos ipsis moveri aggrè ferant.

Cùm in proœmio Carolus dicat, quod in Nobilium et Civitatum multitudine numerosa Bulla nostra perlata sit, de duobus quaeritur? Et quidem 1. De Nobilibus immediatis, an illi etiamnum Jus Comitiorum habeant? Nam quod olim ad Comiticia admissi sint, argumento est *Bulla nostra in proœmio & Recess. An. 1442.* sed insecutis temporibus eos ad Comiticia non vocatos fuisse, argumento sunt *Recess. Imperii de Anno 1495. in princ. & Anno 1500. in princ. & subsequentiū relectio ostendit.* Nec quicquam officit, quod Nobiles illi immediatè Imperio subiecti sunt, siquidem diversa sunt, Imperii immediatum esse, & statum esse, sicuti exemplo Regis Bohemiz constat, qui quidem immediatè Imperatori subiectus est, non tamen status est, *Magnif. & Nobiliss. Dn. D. Praeses in pereleganti suo tract. de Comitibus c. 4. n. 2. 4. & seq.* Principes Italiz ut & Civitates nonnullæ immediatè recognoscunt Imperatorem, *d. c. 4. n. 76.* sed tamen status non sunt.

IX.

Alterum est de Civitatibus Imperialibus, an illæ jus Comitiorum habeant?

Et quidem si quaestio ita formetur, nùm Civitates jus votandi habere debeant? Dicendum id etiamnum id rectè affirmari posse; nam cum illæ in partem onerum Imperio incumbentium vocentur, cur non & pari cum aliis statibus voti honore fruerentur? *l. 10 ff. de R. Jur.* At, si quaestio ita formetur: An hodiè in Comitiiis Civitates etiamnum votum decisivum habeant? negandum id erit; nam Electores & Principes, ubi circa punctum propositionis concluserunt, solent inter se, non vocatis Civitatum nuntiis, referre, si consentiant, punctum pro concluso habetur, si verò inter se dissentiant, Caesari utraque pars votum suum refert, nec possunt nuntii Civitatum voto suo alterutri parti acce-
dere, perque hoc pluralitatem, quod tamen effectus est voti decisivi, facere, quæ de re *Ludov. Grempius & Hieron. Jura Lamb. Civita-*
tum

um Syndici & Consiliorum in suis Consiliis de super editis conquere-
runtur. *Magn. & Nobil. Dn. D. Pres. in cit. tract. de Comit. c. 7. n. 147.*

X.

Quo loco promulgata hæc Bulla est?

Quamvis in princ. hujus Bullæ dicatur, quod in solenni
Curia seu Comitibus Norinbergæ edita sit, adeoque cum hac o-
pinione Præstantissimi J. Cei *Perr. Heig. l. 1. g. 4. n. 10. Cothman.*
cap. 4. n. 11. & probata fidei historicis trāseant, *Tbuan. l. 2. bislo.*
Bueholz. in Chron. Anno 1356. Cruf. l. 5. p. 3. c. 5. Annal. Svec. Exi-
llimatus tamen Peucerus l. 5. Chron. in Carolo IV. Metis eam pro-
mulgatam esse, reversus in Germaniam, ait, conventum egit,
Principum celeberrimum & frequentissimum in urbe Metensi,
in qua sapienter & multum deliberata & disputata cum præ-
cipuis Ordinibus Imperii, conjunctis in unum atque digestis
in ordinem institutis ac moribus antiquis ac recentibus ad Im-
perii decus & Majestatem pertinentibus condidit legem Caro-
linam. Aureæ Bullæ nomine notam ac celebrem &c. Cujus
opinionui suffragare videtur Bulla Sigismundi Imperatoris,
quæ exstat apud Goldast. tom. 1. p. 166. c. 1. in verb. In dem Besetz
seiner Keyserlichen gülden Bull vor setzen zu Metz gemacht.
Suffragari idem videtur illud, quod legitur c. 24. hujus Bullæ:
In his scriptæ leges, habet rextus, promulgatæ sunt in Curia
Metensi. Sed, si per temporum distinctiones processerimus, non
uno sed duobus in locis constitutiones hujus Bullæ emanasse,
apparebit. Error priorum, ut & Peuceri ex eo ortus videtur,
quod non satis attenderint ad verba d. c. 24. quæ ut satis diser-
te in his scriptas & seqq. post d. c. 24. Constitutiones Metis pro-
mulgatas esse innuunt, ita priores Norinbergæ juxta princ.
Bullæ editas Peucerus advertere debuit. Quod ipsum quoque
clarissimè ex verbis c. 12. hujus Bullæ apparet: Hinc est, ait Im-
perator, quod in solenni Curia in Nurnberg celebrata &c. Et
eum ibidem ad annum sequentem in civitate Metensi Curia
seu Comitiorum celebrationem remittat, non dubium est,
illas, quæ ad c. 24. sequuntur, prioribus adjectas esse, atque ita
ex diversis Constitutionibus sub Aureæ Bullæ nomine hæc
conditio pragmatica Anno 1356. emanavit, Bueholz. d. lac.

B 3

CO:

An Imperator Comiticia absq; Electorum consensu indicere & celebrare queat?

Distinctè hic procedendum, aliàs decisio non erit futura. Olim Imperatores sine Electorum cōsensu Comiticia indicere potuisse, indubiè verum est multisq; Recessuum Imperialium locis clarescit. Sic enim *Fridericus III. in reformatione sua Anno 1442. instituta loquitur: Darumb insonderlich her zu vns zusommen geboten vnd geheissen habe 13c. & Ordinatione Treuirenſi & Colonienſi Maximiliani Anno 1512. ita: So haben Wir Churfürsten / Fürsten vnnnd andere Stände des heiligen Reichs zu vns anſänglich gen Trier auff einen gemeinen Reichstag erfordert 2c. & Recessu Augustan. Anno 1518. ibi: Vnd darauff Churfürsten vnd andere Stände zu vns daselbst hinerfordert 2c.* Verùm aliud hodiè obinet. Nam cum Imperatores non raro pro lubitu nullàque necessitate urgente Comiticia indicerent, bella obtenderent eorumq; nomine tributa exigerent; ideò hac in parte Electores nimiam Imperatorum licentiam restrinxerunt & Carolo V. in Capitulatione primitùs præscripserunt, ne sine consensu eorum Comiticia indiceret. Et hoc à Carolo V. temporibus in Imperio nostro huc usque laudabiliter observatum fuit. *Recess. August. Anno 1559. vers. Dero wegen Wir auff vorg habten städlichen Rath 2c. Recess. Ratisp. Anno 1567. vers. Weil Wir aber Churfürsten etc. Recess. Spirens. Anno 1570. vers. als haben wir nicht vmbgehen mögen 2c. Magnificus & Nobilissimus Dn. D. Præses in laudato tract. de Comitibus c. 3. n. 11. & seqq.*

An Imperator Electorem aliumve Imperii

Statum absq; ordinaria causæ cognitione jure proscribere possit?

Negantibus calculum nostrum adjicimus, moti Capitulatione Imperatoria in qua clavis, disertis & minime ambiguus verbis Imperator religioso sacramento Imperii Electoribus pollicetur: *se obviare & impedire nec ullo modo concedere velle, ut aliquis ex Ordinum Statutis, numero, siue Elector, siue Princeps aut alius sine causa, inauditis proferatur, damnetur & declaretur: sed allaboraturum, ut in Hoc, secundum Ordinariam juris normam & Imperii Constitutiones expresscripto reformatæ Ordinationis Camera procedatur*; Additâ hac clausulâ: *si quid contra Hoc, vel alia Capitulationis capita, susceptum & actum fuerit, illud omninò nullum, irritum & vanum esse debeat.*

III.

An Imperator jus habeat Reges Principesque creandi?

Quod Reges creare possit, omninò statuimus. Quomodo enim antiquitus Imperium Romanum Reges dedit Judæis, Syris, Parthis, Albanis, Colchis, Iberis & aliis, ut testis est *M. Freher. in not. ad Petr. de Andlo. lib. 2. c. 8. de Imper. Roman.* ita quoq; posteaquam illud Imperium ad Germanos est translatum & devolutum, eadem potestas mansit multiq; Reges creati sunt, idq; testantur Historici fide dignissimi *Chytr. Chron. Saxon. lib. 1. fol. 36. Peucer. 4. Chron. fol. 773. & alii.* De Principibus non est quod dubitemus, qui enim potest majus, potest etiam minus *L. 21. & L. 110. ff. de R. J.* Atqui Imperator, ut satis demonstravimus, potest Reges creare. E.

Ad

*Præstantissimo atq; doctissimo Dn. Respondenti amico
singulari gaudere.*

Schelhasi, Sophiæ non ultima portio quondam
ludorum plenis puro de fonte sicellis
maximi Aristotelis sicibunda vireta rigasti
ingenii. Altræ species pulcherrima totum
postea te cepit. Cultum hujus sedulus urges,
cùm Phœbi rutilo mundus splendet ab auro,
argentum medio Phæbes cum nidet olympo.
Nulla quies, nullam novit solertia pausam.
Diffugere nives, mox latis gramina campis
prodibunt, vernumque replebit floribus annum.
floreæ diva. Themis ternis conjuncta puellis
tempora tam chari calthæ præcinget alumni
atque rosas violisque immortalique amarantho.

Daniel Stahlus P. P.

En acclamo tibi Veterum FELICITER illud,
Publica quod Themidos pulpita rursus adis.
Contubernali & Commensali meo animitus charo
gratulat. ergo adjeci
Fridericus Wilhelmus à Woldstede
Eq Thur.

Dum te Juridicam rursus pressare cathedram
SCHELHASI video semper amate mihi,
Ecce tuos merito sic carmine ad altræ labores
Doctos extollo sicut & ipsa Dice.
Porro si sequeris, quo te vocat inclita virtus,
Accipies meritis digna brabeia tuis.

ita Consalino suo debiti honoris &
amoris ergo ad pl.

Johan. Casp. Wratz/ Henneberg.

JUSTINUS SCHELHASIUS.

Anagramma.

HEUS JUS! HINC SIT SALUS.

Heusjus! quod Themidos repetis JUSTINE cathedram,
Hinc optata comes sit tibi diva salus.

Contubernali ac Consalino suo perpetim amando
gratulabundus apposuit

Johannes Greisleben Altenburgō. Misa.

F I N I S.